

法蘊足論

才七

三百五十六
第七

50286



阿毗達磨法蘊足論卷第七

弟

尊者大目犍連造

三藏法師 玄奘奉 詔譯

靜慮品第十一之餘

有尋有伺者云何尋謂離欲惡不善法者心
尋求徧尋求近尋求心顯了極顯了現前顯
了推度搆畫思惟分別搆名為尋云何伺謂

離欲惡不善法者心伺察徧伺察近伺察隨
行隨轉隨流隨屬搆名為伺尋與伺何差別
令心麤性是尋令心細性是伺此復如何如
打鍾時麤聲暫發細聲隨轉麤聲喻尋細聲
喻伺搖鈴扣鉢吹螺擊鼓放箭震雷麤細二
聲為喻亦尔又如眾鳥飛翔虚空鼓翼躡身

方得隨意鼓翼喻尋踊身喻伺是謂尋伺二
相差別云何有尋有伺謂離欲惡不善法者
心相應品具有尋伺離生喜樂者云何離謂
離欲亦名離離惡不善法亦名離出家亦名
離色界善根亦名離初靜慮亦名離今此義
中意說初靜慮名離云何喜謂離欲惡不善
法者心欣極欣欣現前極欣欣性欣類遍意悅
意喜性喜類樂和合不別離歡欣悅豫有堪
任性踊躍性歡喜性揔名爲喜云
何樂謂離欲惡不善法者已斷身重性心重
性身不堪任性心不堪任性所得身滑性心
滑性身軟性心軟性身堪任性心堪任性身

離蓋性心離蓋性身輕安性心輕安性身無
焦惱性心無焦惱性身調柔性心調柔性摠
名爲樂去何離生喜樂謂前喜樂因離依離
離所建立由離勢力起等起生等生趣入出
現故說此名離生喜樂初者謂此靜慮順次
數中最居首故復次此於九種次第定中最

在前故靜慮者謂在此定中尋伺喜樂心一
境性摠此五支名初靜慮如有頌言

心隨貪欲行

或復隨瞋恚

而修靜慮者

諸佛不稱譽

惛睡蓋纏心

無知修靜慮

身相雖安靜

諸佛不稱譽

掉悔蓋纏心

諸根不寂靜

雖勤修靜慮

諸佛不稱譽

三寶四諦中

心懷猶豫者

雖勤修靜慮

諸佛不稱譽

遠離欲及惡

尋伺皆如理

身柔軟安靜

受離生喜樂

身如沐浴團

徧體皆津膩

不強亦不弱

愛水不能漂

尋伺等五支

賢聖仙所證

摠名初靜慮

諸佛所稱譽

在此定中諸心意識名初靜慮俱有之心諸
思等思現前等思已思當思造心意業名初
靜慮俱有意業諸心勝解已勝解當勝解名
初靜慮俱有勝解在此定中若受若想若欲
若作意若念若定若慧等名初靜慮俱有諸
法如是諸法亦得名初靜慮此靜慮名依何

義立謂能寂靜惡不善法及餘雜染後有熾
然當苦異熟生老死等諸有漏法故名靜慮
復次寂靜種種惡不善法及餘雜染後有熾
然當苦異熟生老死等有漏法已此靜慮起
等起生等生趣入出現故名靜慮復次寂靜
種種惡不善法及餘雜染後有熾然當苦異
熟生老死等有漏法已此靜慮明盛徧照故
名靜慮具足者謂此依出家及依遠離所生
善法精勤修習無間無斷方得圓滿故名具
足任者謂成就此靜慮現行隨行徧行徧隨
行動轉解行故名爲任

尋伺寂靜者尋及伺如前說第二靜慮此二

寂靜徧寂靜近寂靜空無所有故名尋伺寂
靜內等淨者云何內等淨謂尋伺寂靜故諸
信信性現前信性隨順印可愛慕愛慕性心
澄心淨摠名內等淨心一趣性者云何心一
趣性謂尋伺寂靜故心不散不亂不流安住
一境故名心一趣性無尋無伺者謂第二靜
慮尋伺不可得不現行非有非等有故名無
尋無伺定生喜樂者云何定謂尋伺寂靜者
心住等住近住安住不散不亂攝止等持心
一境性摠名爲定云何喜謂尋伺寂靜者心
欣極欣廣說乃至歡喜歡喜性摠名爲喜云
何樂謂尋伺寂靜者已斷身重性心重性廣

說乃至身調柔性心調柔性摠名爲樂云何
定生喜樂謂前喜樂因定依定定所建立由
定勢力起等起生等生趣入出現故說此應
言此名離定生喜樂名離喜樂第二者謂此
靜慮順次數中居第二故復次此於九種次
第定中在第二故靜慮者謂在此定中內等
淨喜樂心一境性摠此四支名第二靜慮如
有頌曰

尋伺俱寂靜

如雨息埃塵

內淨心一趣

觸菩提妙樂

無尋伺有喜

樂內淨及定

名第二靜慮

諸佛所稱譽

在此定中諸心意識名第二靜慮俱有定心

諸思等思乃至造心意業名第二靜慮俱有
意業諸心勝解已勝解當勝解名第二靜慮
俱有勝解在此定中若受若想乃至若慧等
名第二靜慮俱有諸法如是諸法亦得名爲
第二靜慮此靜慮名所依之義具足及任皆
如前說

離喜者云何喜謂心欣極欣乃至歡喜歡喜
性揔名爲喜心於此喜離染解脫故名離喜
任捨正念正知者彼於念時安任行捨正念
正知云何捨謂離喜時心平等性心正眞性
心無警覺寂靜任性揔名爲捨云何正念謂
離喜時諸念隨念乃至心明記性揔名正念

云何正知謂離喜時所起於法揀擇乃至毗
鉢舍那揔名正知身受樂者身謂意身由意
身中有受樂故四大種身亦得安適由此因
緣名身受樂此中樂者謂離喜時已斷身重
性心重性乃至身調柔性心調柔性揔名爲
樂此是受樂非輕安樂聖說應捨者聖謂諸
佛及佛弟子說謂宣說分別開示勸修定者
應捨此樂不應耽味唯應住捨正念正知第
三者謂此靜慮順次數中居第三故復次此
於九種次第定中在第三故靜慮者謂在此
定中行捨正念正知身受樂心一境性揔此
五支名第三靜慮如有頌言

離喜最上迹

捨念知樂定

名第三靜慮

諸佛所稱譽

在此定中諸心意識名第三靜慮俱有之心
諸思等思乃至造心意業名第三靜慮俱有
意業諸心勝解已勝解當勝解名第三靜慮
俱有勝解在此定中若受若想乃至若慧等
名第三靜慮俱有諸法如是諸法亦得名爲
第三靜慮此靜慮名所依之義具足及任亦
如前說

斷樂者云何樂謂順樂觸所起身樂心樂平
等受受所攝揔名爲樂復次修第三靜慮時
順樂受觸所起心樂平等受受所攝是名樂

斷苦者云何苦謂順苦觸所起身苦不平等
受受所攝是名苦此苦及樂念時俱得斷徧
知遠離極遠離調伏極調伏隱沒除滅是故
說為斷樂斷苦先喜憂沒者云何喜謂順喜
觸所起心喜平等受受所攝是名喜復次修
第二靜慮時順喜受觸所起心喜平等受受
所攝是名喜云何憂謂順憂觸所起心憂平
等受受所攝是名憂此及前喜念時俱得斷
徧知乃至隱沒除滅是故說為先喜憂沒復
次入初靜慮時憂得斷徧知入第二靜慮時
苦得斷徧知入第三靜慮時喜得斷徧知入
第四靜慮時若樂若苦若喜若憂皆得斷徧

知遠離極遠離調伏極調伏隱沒除滅是故
說為斷樂斷苦先喜憂沒不苦不樂者顯此
中無苦樂二受惟有第三非苦非樂受捨念
清淨者云何捨謂彼念時心平等性心正直
性心無警覺寂靜任性揔名為捨云何念謂
彼念時諸念隨念廣說乃至心明記性揔名
為念彼於念時若捨若念俱得清淨樂苦喜
憂尋伺二息皆遠離故說名清淨第四者謂
此靜慮順次數中居第四故復次此於九種
次第定中在第四故靜慮者謂在此定中不
苦不樂受捨念心一境性揔此四支名第四
靜慮如有頌言

樂苦等已滅

心堅住不動

得清淨天眼

能廣見衆色

不苦不樂受

淨捨念及定

名第四靜慮

諸佛所稱譽

在此定中諸心意識名第四靜慮俱有之心

諸思等思乃至造心意業名第四靜慮俱有

意業諸心勝解已勝解當勝解名第四靜慮

俱有勝解在此定中若受若想乃至若慧等

名第四靜慮俱有諸法如是諸法亦得名爲

第四靜慮此靜慮名所依之義具足及住皆

如前說

無量品第十二

一時薄伽梵在室羅筏住逝多林給孤獨園

尔時世尊告苾芻衆有四無量何等爲四謂
有一類慈俱行心無怨無敵遠離惱害廣大
無量善修習故想對一方勝解徧滿具足而
住及對第二第三第四上下或傍一切世間
亦復如是是名第一復有一類悲俱行心無
怨無敵遠離惱害廣大無量善修習故想對
一方勝解徧滿具足而住及對第二第三第
四上下或傍一切世間亦復如是是名第二
復有一類喜俱行心無怨無敵遠離惱害廣
大無量善修習故想對一方勝解徧滿具足
而住及對第二第三第四上下或傍一切世
間亦復如是是名第三復有一類捨俱行心

無怨無敵遠離惱害廣大無量善修習故想
對一方勝解徧滿具足而任及對第二第三
第四上下或傍一切世間亦復如是是名第四
云何爲慈謂有一類作是思惟願諸有情皆
得勝樂彼依出家或依遠離由思擇力內所
發起色界定善諸慈慈性若哀憐哀憐性若
愍念愍念性揔名爲慈復次與慈相應受想
行識及所等起身語二業不相應行亦名爲
慈云何慈心定加行修何加行入慈心定謂
有一類起如是心願諸有情皆得勝樂雖有
此心而無勝解願諸有情皆得如是如是勝
樂彼心雖善淨妙隨順磨瑩增長嚴飾應供

常委助伴資糧而未名慈心定加行亦未名
入慈心定復有一類發如是言願諸有情皆
得勝樂雖有此言而無勝解願諸有情皆得
如是如是勝樂彼言雖善淨妙乃至資糧而
未名慈心定加行亦未名入慈心定復有一
類起如是心發如是言願諸有情皆得勝樂
雖有此心及有此言而無勝解願諸有情皆
得如是如是勝樂彼心及言雖皆是善淨妙
乃至資糧而未名慈心定加行亦未名入慈
心定復有一類起如是心發如是言及有勝
解願諸有情皆得如是如是勝樂彼心言及
勝解雖皆是善淨妙乃至資糧而未名慈心

定加行亦未名入慈心定其事如何如有一
類寒苦所逼得暖生樂取此樂相起如是心
發如是言願諸有情皆得如是如是勝樂彼
心言及勝解雖皆是善淨妙乃至資糧而未
名慈心定加行亦未名入慈心定復有一類
熱苦所逼得冷生樂取此樂相起如是心發
如是言願諸有情皆得如是如是勝樂彼心
言及勝解雖皆是善淨妙乃至資糧而未名
慈心定加行亦未名入慈心定復有一類飢
苦所逼得食生樂取此樂相起如是心發如
是言願諸有情皆得如是如是勝樂彼心言
及勝解雖皆是善淨妙乃至資糧而未名慈

心定加行亦未名入慈心定復有一類渴苦
所逼得飲生樂取此樂相起如是心發如是
言願諸有情皆得如是如是勝樂彼心言及
勝解雖皆是善淨妙乃至資糧而未名慈心
定加行亦未名入慈心定復有一類身體垢
穢支節勞倦乏諸資具親友乖離遇得沐浴
按摩資具親友和合發生諸樂取此樂相起
如是心發如是言願諸有情皆得如是如是
勝樂彼心言及勝解雖皆是善淨妙乃至資
糧而未名慈心定加行亦未名入慈心定復
有一類盛夏熱時炎熾日光所逼切故熱渴
迷悶身心焦惱遇清涼池投身沐浴飲用生

樂取此樂相起如是心發如是言願諸有情
皆得如是如是勝樂彼心言及勝解雖皆是
善淨妙乃至資糧而未名慈心定加行亦未
名入慈心定如是所受欲界樂具及三靜慮
所受勝樂取彼樂相起心發言願諸有情皆
得如是如是勝樂彼心言及勝解雖皆是善
淨妙乃至資糧而未名慈心定加行亦未名
入慈心定若有此生近曾現入第三靜慮取
彼樂相起如是心發如是言願諸有情皆得
如是如是勝樂彼心言及勝解皆是勝善淨
妙隨順乃至資糧乃可名慈心定加行亦名
入慈心定又此定中諸心意識名慈俱有心

諸思等思現前等思已思當思造心意業名
慈俱有意業諸心勝解已勝解當勝解名慈
俱有勝解又此定中若受若想若欲若作意
若念若定若慧等名慈俱有諸法如是諸法
亦得名慈心定加行亦名入慈心定復次慈
心定有二種一狹小二無量云何狹小慈心
定加行修何加行入狹小慈心定謂有一類
於諸可愛可樂可喜可意有情謂父母兄弟
姊妹及餘隨一親屬朋友彼於如是狹小有
情令狹小慈俱心住等住近住安住調伏寂
靜最極寂靜一趣等持願彼有情皆得勝樂
彼於念時若心散亂馳流餘境不能一趣不

能守念令住一緣而願狹小有情得樂齊此
未名狹小慈心定加行亦未名入狹小慈心
定彼若尔時攝錄自心令不散亂馳流餘境
能令一趣任念一緣思惟狹小諸有情相而
願狹小有情得樂如是思惟發勤精進勇健
勢猛熾盛難制勵意不息是名狹小慈心定
加行亦名入狹小慈心定彼於此道生已修
習多修習故便令心任等任近任安任一趣
等持無二無退願彼狹小有情得樂齊此名
爲已入狹小慈心定又此定中諸心意識名
狹小慈俱有心諸思等思乃至造心意業名
狹小慈俱有意業諸心勝解已勝解當勝解

名狹小慈俱有勝解又此定中若受若想乃至若慧等名狹小慈俱有諸法如是諸法亦得名狹小慈心定加行亦名入狹小慈心定云何無量慈心定加行修何加行入無量慈心定謂即於狹小慈心定數數修習令心隨順調伏寂靜數復調練令其質直柔軟堪能與後勝定作所依止然後漸令勝解遍滿於東方等無量有情皆願得樂彼於尔時若心散亂馳流餘境不能一趣不能守念今任一緣而願無量有情得樂齊此未名無量慈心定加行亦未名入無量慈心定彼若尔時攝錄自心令不散亂馳流餘境能令一趣任念

一緣思惟無量諸有情相而願無量有情得樂如是思惟發勤精進乃至勵意不息是名無量慈心定加行亦名入無量慈心定彼於此道生已修習多修習故便令心住等住近住安住一起等持無二無退願彼無量有情得樂齊此名爲已入無量慈心定又此定中諸心意識名無量慈俱有心諸思等思乃至造心意業名無量慈俱有意業諸心勝解已勝解當勝解名無量慈俱有勝解又此定中若受若想乃至若慧等名無量慈俱有諸法如是諸法亦得名無量慈心定加行亦名入無量慈心定

云何爲悲謂有一類作是思惟願諸有情皆
得離苦彼依出家或依遠離由思擇力內所
發起色界定善諸悲悲性若惻愴惻愴性若
酸楚酸楚性摠名爲悲復次與悲相應受想
行識及所等起身語二業不相應行亦名爲
悲復次悲心定有二種一狹小二無量云何
狹小悲心定加行修何加行入狹小悲心定
謂有一類於諸可愛可樂可喜可意有情謂
父母兄弟姊妹及餘隨一親屬朋友彼於如
是狹小有情令狹小悲俱心任等任近任安
住調伏寂靜最極寂靜一趣等持願彼有情
皆得離苦彼於奈時若心散亂馳流餘境不

能一趣不能守念令住一緣而願狹小有情
離苦齊此未名狹小悲心定加行亦未名入
狹小悲心定彼若介時攝錄自心令不散亂
馳流餘境能令一趣任念一緣思惟狹小諸
有情相而願狹小有情離苦如是思惟發勤
精進乃至勵意不息是名狹小悲心定加行
亦名入狹小悲心定彼於此道生已修習多
修習故便令心住等住近住安住一趣等持
無二無退願彼狹小有情離苦齊此名爲已
入狹小悲心定又此定中諸心意識名狹小
悲俱有心諸思等思乃至造心意業名狹小
悲俱有意業諸心勝解已勝解當勝解名狹

小悲俱有勝解又此定中若受若想乃至若
慧等名狹小悲俱有諸法如是諸法亦得名
狹小悲心定加行亦名入狹小悲心定云何
無量悲心定加行修何加行入無量悲心定
謂即於狹小悲心定數數修習令心隨順調
伏寂靜數復調練令其質直柔軟堪能與後
勝定作所依止然後漸令勝解遍滿於東方
等無量有情皆願離苦彼於尔時若心散亂
馳流餘境不能一趣不能守念令住一緣而
願無量有情離苦齊此未名無量悲心定加
行亦未名入無量悲心定彼若尔時攝錄自
心令不散亂馳流餘境能令一趣任念一緣

思惟無量諸有情相而願無量有情離苦如是思惟發勤精進乃至勵意不息是名無量悲心定加行亦名入無量悲心定彼於道生已修習多修習故便令心住等住近住安住一趣等持無二無退願彼無量有情離苦齊此名爲已入無量悲心定又此定中諸心意識名無量悲俱有心諸思等思乃至造心意業名無量悲俱有意業諸心勝解已勝解當勝解名無量悲俱有勝解又此定中若受若想乃至若慧等名無量悲俱有諸法如是諸法亦得名無量悲心定加行亦名入無量悲心定

云何爲喜謂有一類作是思惟有情獲益深
可欣慰彼依出家或依遠離由思擇力內所
發起色界定善心欣極欣現前極欣欣性欣
類適意悅意喜性喜類樂和合不別離歡欣
悅豫有堪任性踊躍踊躍性歡喜歡喜性揔
名爲喜復次與喜相應受想行識及所等起
身語二業不相應行亦名爲喜復次喜心定
有二種一狹小二無量云何狹小喜心定加
行修何加行入狹小喜心定謂有一類於諸
可愛可樂可喜可意有情謂父母兄弟姊妹
及餘隨一親屬朋友彼於如是狹小有情令
狹小喜俱心住等住近住安住調伏寂靜寂

極寂靜一趣等持慶彼有情得樂離苦彼於
尔時若心散亂馳流餘境不能一趣不能守
念令住一緣而慶狹小有情獲益齊此未名
狹小喜心定加行亦未名入狹小喜心定彼
若尔時攝錄自心令不散亂馳流餘境能令
一趣住念一緣思惟狹小諸有情相欣慰狹
小有情獲益如是思惟發勤精進乃至勵意
不息是名狹小喜心定加行亦名入狹小喜
心定彼於此道生已修習多修習故便令心
住等住近住安住一趣等持無二無退欣慰
狹小有情獲益齊此名爲已入狹小喜心定
又此定中諸心意識名狹小喜俱有心諸思

等思乃至造心意業名狹小喜俱有意業諸
心勝解已勝解當勝解名狹小喜俱有勝解
又此定中若受若想乃至若慧等名狹小喜
俱有諸法如是諸法亦得名狹小喜心定加
行亦名入狹小喜心定云何無量喜心定加
行修何加行入無量喜心定謂即於狹小喜
心定數數修習令心隨順調伏寂靜數復調
練令其質直柔軟堪能與後勝定作所依止
然後漸令勝解遍滿於東方等無量有情欣
慰獲益彼於尔時若心散亂馳流餘境不能
一趣不能守念令住一緣欣慰無量有情獲
益齊此未名無量喜心定加行亦未名入無

量喜心定彼若亦時攝錄自心令不散亂馳
流餘境能令一趣住念一緣思惟無量諸有
情相欣慰無量有情獲益如是思惟發勤精
進乃至勵意不息是名無量喜心定加行亦
名入無量喜心定彼於此道生已修習多修
習故便令心住等住近住安住一趣等持無
二無退欣慰無量有情獲益齊此名爲已入
無量喜心定又此定中諸心意識名無量喜
俱有心諸思等思乃至造心意業名無量喜
俱有意業諸心勝解已勝解當勝解名無量
喜俱有勝解又此定中若受若想乃至若慧
等名無量喜俱有諸法如是諸法亦得名無

量喜心定加行亦名入無量喜心定
云何爲捨謂有一類作是思惟應於有情任
平等捨彼依出家或依遠離由思擇力內所
發起色界定善心平等性心正直性心無警
覺寂靜任性揔名爲捨復次與捨相應受想
行識及所等起身語二業不相應行亦名爲
捨云何捨心定加行修何加行入捨心定謂
有一類雖見可愛可樂可喜可意等有情而
不起分別此是我母此是我父乃至此是我
朋友等唯起平等有情勝解如無求士遇入
一林雖見娑羅樹或多羅樹或夜曼樹或馬
相樹或鄔曇跋羅樹或諾瞿陀樹等而不起

分別此是娑羅樹此是多羅樹乃至此是諾
瞿陀樹等唯起平等樹林勝解捨行者於
諸有情不起分別應知亦尔是名捨心定加
行亦名入捨心定復次捨心定有二種一狹
小二無量云何狹小捨心定加行修何加行
入狹小捨心定謂有一類於諸可愛可樂可
喜可意等有情謂父母兄弟姊妹及餘隨一
親屬朋友等彼於如是狹小有情令狹小捨
俱心住等住近住安住調伏寂靜最極寂靜
一趣等持於彼有情住平等捨彼於尔時若
心散亂馳流餘境不能一趣不能守念令住
一緣於彼有情住平等捨齊此未名狹小捨

心定加行亦未名入狹小捨心定彼若尔時
攝錄自心令不散亂馳流餘境能令一趣任
念一緣思惟狹小諸有情相於彼有情任平
等捨如是思惟發勤精進乃至勵意不息是
名狹小捨心定加行亦名入狹小捨心定彼
於此道生已修習多修習故便令心住等任
近住安住一趣等捨無二無退於彼有情任
平等捨齊此名爲已入狹小捨心定又此定
中諸心意識名狹小捨俱有心諸思等思乃
至造心意業名狹小捨俱有意業諸心勝解
已勝解當勝解名狹小捨俱有勝解又此定
中若受若想乃至若慧等名狹小捨俱有諸

法如是諸法亦得名狹小捨心定加行亦名
入狹小捨心定云何無量捨心定加行修何
加行入無量捨心定謂即於狹小捨心定數
數修習令心隨順調伏寂靜數復調練令其
質直柔軟堪能與後勝定作所依止然後漸
令勝解遍滿於東方等無量有情任平等捨
彼於尔時若心散亂馳流餘境不能一趣不
能守念令任一緣於彼有情任平等捨齊此
未名無量捨心定加行亦未名入無量捨心
定彼若尔時攝錄自心令不散亂馳流餘境
能令一起任念一緣思惟無量諸有情相於
彼有情任平等捨如是思惟發勤精進乃至

勵意不息是名無量捨心定加行亦名入無
量捨心定彼於此道生已修習多修習故便
令心住等住近住安住一趣等持無二無退
於彼有情住平等捨齊此名爲已入無量捨
心定又此定中諸心意識名無量捨俱有心
諸思等思乃至造心意業名無量捨俱有意
業諸心勝解已勝解當勝解名無量捨俱有
勝解又此定中若受若想乃至若慧等名無
量捨俱有諸法如是諸法亦得名無量捨心
定加行亦名入無量捨心定

說一切有部法蘊足論卷第七

弟

構畫

下上

玄古

陌候

反反

扣

苦音

候口

反又

飛

翔

祥下

音

埃

塵

上

哀警覺

景上

音

炎

廉上

于

狹

小

夾上

候

惻

愴

反上

昌

初側音

反狀酸楚

官上

反蘇

鄔

曇

古上

天一

諾

瞿

各上

反奴



